

Obra?anje predstavnika sigurnosti UN-a

Visokog Vije?u

Visoki predstavnik, Wolfgang Petritsch, boravio je u ?etvrtak i petak u New Yorku kako bi se obratio Vije?u sigurnosti Ujedinjenih nacija i obavio razgovore sa, izme?u ostalih, regionalnim direktorom UN-ovog razvojnog programa (UNDP) za Evropu i Zajednicu nezavisnih dr?жава (CIS), Kalmanom Mizseijem.

U svom obra?anju Vije?u sigurnosti u petak ujutro, koje je primljeno s velikim interesovanjem, Visoki predstavnik je dao pregled napretka koji je postignut u Bosni i Hercegovini u proteklih šest mjeseci u klju?nim strate?kim oblastima razvoja institucija, ekonomske reforme i povratka izbjeglica, kao i njegovim naporima na usmjeravanju rada me?unarodnih organizacija u BiH koje se bave implementacijom civilnog dijela mirovnog sporazuma. U vezi s tim, Specijalni izaslanik generalnog sekretara UN-a, Jacques Paul Klein, tako?er se obratio ?lanovima Vije?a sigurnosti. On je istakao razne mogu?nosti za nastavak misije Me?unarodne policije (IPTF) nakon isteka sadašnjeg mandata Misije UN-a u Bosni i Hercegovini (UNMIBH) krajem 2002. godine.

Visoki predstavnik se pohvalno izrazio o politi?arima Alijanse za promjene i njihovim poku?ajima da uspostave nov i zreo partnerski odnos sa me?unarodnom zajednicom. Visoki predstavnik je izrazio nadu da ?e zahtjev Bosne i Hercegovine za prijem u Vije?e Evrope biti odobren s obzirom na njene napore da ispuni uslove za prijem u Vije?e Evrope kao što je nedavno uspješno usvajanje Izbornog zakona.

Visoki predstavnik je, vezano za problematiku razvoja institucija, naveo uspješno djelovanje Državne granične službe, rad Komisije za naturalizaciju koja ima zadatak izvršiti reviziju bh. državljanstava odobrenih stranim državljanima tokom i nakon rata, te Sistem zaštite ličnih podataka građana, koji trenutno razmatra Vijeće ministara i koji će Bosni i Hercegovini pomoći da njen doprinos borbi protiv međunarodnog terorizma bude što efikasniji.

Visoki predstavnik iznio je i činjenicu da su dinamika i opseg ekonomskih reformi i dalje daleko ispod očekivanja, te istakao štetnosti odsustva svijesti o hitnosti i političke volje na polju restrukturiranja državnih konglomerata, privatizacije komunalne infrastrukture i promoviranja jedinstvenog ekonomskog prostora. "Ono što je potrebno ovoj zemlji jeste totalan, trenutani i sveukupan angažman njenih lidera na dugoročnoj ekonomskoj reformi, a ne kratkoročnim političkim kalkulacijama," rekao je Visoki predstavnik. "Ukoliko ne dođe do rapidnog ubrzanja tempa provođenja reformi, postoji opasnost da će BiH zaostajati i na taj način postati slaba karika u regionalnom lancu." On je također istakao da se ekonomski razvoj – iako na neodgovarajućem nivou – održavao u prvih pola godine uprkos smanjenoj donatorskoj pomoći i niskom stepenu razvoja svjetske ekonomije.

Visoki predstavnik je obavijestio članove Vijeća sigurnosti da se broj izbjeglica koje se vraćaju u svoje domove i dalje značajno povećava. On se takođe pohvalno izrazio o aktivnostima koje poduzima Odjel za povratak i rekonstrukciju (RRTF) i naglasio da je zamah postignut u procesu povratka dosegao nivo koji ovaj proces sada čini nezaustavljivim.

Visoki predstavnik je također rekao Vijeću sigurnosti da je međunarodna zajednica zauzela čvrst stav u vezi sa sprječavanjem ponovnog pojavljivanja separatizma, posebno u vezi sa pokušajem uspostavljanja takozvane "Hrvatske

samouprave", što je Vijeće sigurnosti osudilo u svojoj izjavi od 22. marta 2001. godine, istovremeno nastojeći osigurati da se pritužbe predstavnika konstitutivnih naroda u oba entiteta rješavaju na odgovarajući način, naročito putem aktivnosti koje poduzimaju Ustavne komisije.

On je objasnio aktivnosti koje se poduzimaju u cilju unapređenja procesa sudske reforme i reforme državne službe, te istakao mjere koje on poduzima u skladu sa zadacima koje su mu ministri vanjskih poslova Kontakt grupe i Evropska unije povjerili kako bi usmjerio rad glavnih međunarodnih organizacija u BiH u cilju ostvarivanja veće efikasnosti i istovremenog pripremanja za dugoročno smanjivanje uloge međunarodne zajednice u BiH.

"Dozvolite mi da naglasim potrebu da svoje aktivnosti usmjerimo na konačni rezultat, a ne na konačni datum", rekao je Visoki predstavnik, i pri tome dodao: "Naš zadatak ne znači da moramo raditi samo na izlaznoj strategiji za povlačenje međunarodne zajednice iz BiH – Bosni i Hercegovini je potrebna ulazna strategija za pristup u evropske strukture. Članstvo BiH u Vijeću Evrope predstavlja prvi korak. Evropska unija je detaljnije definirala put za BiH putem svojih Sporazuma o stabilizaciji i pridruživanju."

U diskusiji koja je uslijedila nakon obraćanja Visokog predstavnika, članovi Vijeća sigurnosti UN-a su izrazili punu podršku njegovima naporima i pokazali posebno interesovanje za proces usmjeravanja rada međunarodnih organizacija u BiH, napredak ostvaren po pitanju povratka izbjeglica, te provođenje Odluke Ustavnog suda o konstitutivnosti naroda u BiH u oba entiteta. Nekoliko delegacija je pozvalo vlasti u BiH da shvate "hitnost potrebe" za provođenjem neophodnih ekonomskih reformi. Evropska unija je istakla u svojem saopštenju da vlasti u BiH trebaju aktivno provoditi institucionalne, zakonske i ekonomske reforme kao preduslov za

dalje integracije u strukture EU, te naglasila potrebu usvajanja zakona o državnoj službi koji će dovesti do uspostave depolitizirane i kompetentne državne službe.

Visoki predstavnik je u četvrtak održao nekoliko sastanaka sa međunarodnim zvaničnicima. Između ostalih, susreo se sa gospodinom Kalmanom Mizseiom, pomoćnikom upravitelja i regionalnim direktorom UNDP-a za Evropu i CIS. Visoki predstavnik je izrazio svoje zadovoljstvo radom UNDP-a u BiH, i pri tome istakao da sveobuhvatni izvještaji ove organizacije predstavljaju vrlo značajne planove za provođenje dugoročne ekonomske reforme. On je naglasio da će UNDP vjerovatno imati veću ulogu kako BiH bude prevazilazila fazu poslijeratnog oporavka koja je obilježena značajnim prisustvom predstavnika međunarodne zajednice, i ulazila u konvencionalniju fazu dugoročnog razvoja koju će pratiti i smanjeno prisustvo predstavnika međunarodne zajednice.